



# Kongres 2013

## Sawa Argief Items

Tydens die Kongres vergadering het Willem en Eryna Gerber interessante items van lede en vanuit die Sawa argief ten toon gestel. Willem het ook meer inligting oor van hierdie items hier onder saamgestel ►



### ◀ Oorkonde

Vanaf 1982 was daar 'n Oorkonde ingestel om toegeken te word aan enige persoon, organisasie of maatskappy wat deur sy optrede aan SAWA daadwerklik tot die uitbouing van SAWA bygedra het. Die volgende stigterslede, waarvan die meeste reeds oorlede is, was vereer met 'n oorkonde: Kobus en Daphne Vorster, Chris en Barbara Pienaar, Jan en Maria van Niekerk, Jan en Retha Kasselmann en Bennie Powell. Enkele oorkondes was ook aan buite instansies oorhandig.




### Teelepels en koekvurkies ►


Hierdie stelletjie koekvurkies, teelepels en suikerlepel is deur die Nasionale Voorsitter Willem du Plessis aan Willem en Ryna Gerber oorhandig tydens hulle uittrede as Nasionale Sekretarispaar in 1980. Die suikerlepel is het ongelukkig sy doppie oor die kenteken verloor.



Van die streke se nuusbriewe uit vervloee dae was ook uitgestal ▼



▲ Teenwoordigheidslys van NUB vergadering gehou op 25 Mei 1985





#### ◀ **Sawa Das en Pet**

Streek Goudstad het op 10 April 1975 die eerste das in samewerking met ene mnr. Anton de Winter ontwerp. Die ontwerp is aan die Dagbestuur voorgelê vir goedkeuring en is op 24 Mei 1975 deur die Uitvoerende Bestuur goedgekeur. Die ou "Brockhouse" koppelstang van die woonwa en die bal van die sleepvoertuig in goud geborduur op vlootblou materiaal is gebruik. Toestemming is aan die streek verleen om voort te gaan met die projek en om ook die das te versprei. Die das was verkoop teen R4.45 elk.

In November 1977 is die dasse se voorkoms aangepas. Die nuwe das spog met die volle Sawawapen in volkleur wat op vlootblou

materiaal gedruk is. Met die verloop van jare is die ontwerp van die dasse gewysig deur skuins strepe in die kleure van Sawa by te voeg.

Op 11 Oktober 1990 vier SAWA sy 21 jarige bestaan, waartydens 'n spesiale das vir die geleentheid die lig gesien het. Die SAWA kenteken met 'n lourierkrans en die syfer "21" daaronder is vir die geleentheid vrygestel.

Wat die pet op die foto betref, kan ek ongelukkig nie vasstel wanneer dit vervaardig is nie. Enige inligting hieroor sal waardeer word.



#### ◀ **Toekennings aan wyle Martiens Bekker**

Op 26 Julie 1969 is 'n vergadering te Nigel gehou om 'n bestuur aan te wys en herorganisasie te bespreek. Martiens Bekker was teenwoordig op die vergadering waartydens hy die amp van Sekretaris aanvaar het.

Die stigtingsvergadering van SAWA waar dertien mans en een dame teenwoordig was, het op 11 Oktober 1969 te Murray Park, Springs plaasgevind waartydens Martiens Bekker sy amp as Sekretaris behou het. Sy lidnommer was nr.3 op die ledelys.

'n Lapelwapen met die woord "Stigterslid" en Martiens se naam is as blyk van waardering vir sy aandeel as stigter van SAWA aan hom uitgereik. Soortgelyke lapelwapens is ook aan al die ander stigterslede toegeken ten einde hulle te identifiseer as stigterslede.

Die lapelwapen met die woorde "Ere-Onderpresident" was tydens die 1978 Kongres toegeken aan Martiens Bekker. Hy was 'n voormalige Nasionale Voorsitter. Die doel van die Ere-Onderpresident was om die Ere-President by te staan in take aan hom oorgedra byvoorbeeld om in samewerking met die Ere-President te besin oor nasionale toekennings.

Die groot Ere-President medaljon was deur die Ere-president gedra tydens amptelike funksies. Die medaljon was deur middel van 'n blou sylint om die nek gedra. Martiens Bekker

was in 1982 verkies tot Ere-President wat die voorreg gehad het om eerste die nuwe Ere-Presidentsketting met die goue ketting te dra.

Die lapelwapen wat links bo langs die foto verskyn, was net om te toon dat hy 'n Ere-President was in die jare soos aangetoon, m.a.w. 1982 tot en met 1983.

Fotos: Nico Zwarts & Diana Fourie